

宋

會

要

經明行修科

哲宗元祐元年四月二十四日詔每
遇科舉詔下令文官陞朝以上無贓罪及無私罪重者
於應進士舉人不拘路分但不係有服親各奏舉經明

行修一名候將來發解及南省奏名合格者內有不係所舉人數於榜示及奏名內每人名下注經明行修字至殿試唱名陞一甲姓名如歷官後犯正入已贓及違犯名斷訖收坐舉主並依舉選人轉京官法減一等
六月十六日御史中丞劉摯言經明行修人宜使知州以上舉之為便詔京朝官通判資序以上人許舉
二年正月十五日詔舉經明行修京東西河北陝西路各五人淮南江南東西福建河東西浙成都府路各四人荆湖南路廣南東西梓州路各二人荆湖北夔州利州路各一人委知縣當職官同保任申監司監司再加考察以聞仍免本州解額無其人則闕之
三年正月六

日禮部言河南福建路轉運司奏考到經明行修進士
並不經提刑司考察同奏舉今采省試日逼恐誤取應
今欲乞且依轉運司已奏許合逐人先次就試將來省
試如提刑司考察得內有違碍及與轉運司奏舉不同
即行駁放從之 三月六日詔經明行修人如省試不
應格聽依特奏名進士例就殿試 四年五月二十五
日詔今後遇降詔方許奏舉經明行修人先降每過科
場奏舉指揮不行 八年二月二十四日監察御史黃
慶基言向者薦經明行修之士既與免解赴省試不合
格又例與特奏明是凡被薦舉者皆可以入官也臣聞
元祐二年諸所薦者甚有不協士論乞朝廷申諭諸路

監司郡守凡薦經明行修之士必須精加考察委有術業行義為鄉黨所尊士論所服者方許奏薦或不如所舉則以貢舉非其人之法坐之從之以上續國朝會要

國朝中興乾道會要無此門

制科 宏詞科

真宗景德三年龍圖閣待制陳彭年奏請條制貢部宏詞科采擇經術許流內選應宏詞拔萃科明經人投狀

自薦策試經義以勸學者

哲宗紹聖元年罷制舉惟無收文學博異之士於是置宏詞以經賢良

之選所試以章表露布文書用四六也項銘成論序記雜用古今體不拘四六也許進士登科者就試試以奏試上舍日附試不立院也四題分二日試者雖多取毋過五人惟詔諸敕勅不以為題入制誥山題內二題以歷代史故事 徐輯大典無卷數

宏詞 哲宗紹聖元年五月四日中書省

言有唐隨事設科其名不一故有詞藻宏麗文章秀異之屬皆以衆之所難勸率學者今來既復舊法純用經術取士其應用文詞如詔誥章表箴銘賦頌赦勅檄書露布誡諭之類凡諸文體施之于時不可闕者在先朝亦嘗留意未及設科詔別立宏詞一科每科場後許進士登科人經禮部投狀乞試依試進士法差官考校試詔誥或表章雜文共三篇應者雖多所取不過十人中程者申三省看詳仍分為兩等上等循兩資中等循一資承務郎以上比類推恩詞格超異者臨時取旨文獻

通考紹聖元年罷制科自朝吳罷詩賦廢明經詞章記
誦之學俱絕至是而制科又罷無以兼收文學博異之
士乃置宏詞以繼賢良之科三省言唐世取人隨事
設科其名有詞藻宏麗文章秀異之屬究其所試皆異
乎進士明經今既復舊科純用經術諸如詔誥表章歲
銘賦頌敕勅檄書露布誠諭具文皆朝廷官守日用而
不可闕先朝已嘗留意特科目未及試二年詔立宏辭
科歲許進士登科者詣禮部請試若見守官須受代乃
得試率以春試上舍口附試不自立院也差官鑰引卷
依進士惟詔誥敕勅不以爲題所試者章表露布檄書
用四六頌歲銘誠諭序記用古今體亦不拘四六考官

取四題分二日試試者雖多取毋過五人中程者上之
三省三省覆視分上中二等推恩有差辭格超異者恩
命臨時取旨七月二十四日詔宏詞今後每年許經禮
部投狀仍附春試雖多所取不得過五人九月三十
日禮部狀鼎州桃源知縣姚季汾州靈石縣令樓昇乞
就試宏詞科緣逐人係在見任今欲乞依試學官法在
外見任人候得替許於禮部投狀就試從之二年正
月九日禮部言宏詞除詔誥敕勅不試外今擬立程試
考校格一試格十條章表依見行體式賦如唐
人斬白蛇幽蘭渥洼馬賦之類頌如韓愈元和聖德
詩柳宗元平淮夷雅之類箴如楊雄官箴九州箴之

類 銘如柳宗元塗山銘張孟揚劔閣銘之類 誡諭
如近體誡諭風俗或百官之類 露布如唐人破蕃賊
露布之類 檄書如司馬相如喻蜀檄之類 序如顏
延之王融曲水詩序之類 記亦用四六 以上考試
官臨時取三題作一場試其章表頌檄書露布誡諭序
記並限二百字以上成歲銘並限一百字以上成賦八
韻限三百字以上一考格五條詞理俱優者為上等詞
理次優者為次等詞理超異者取旨上等循一資承務
即以下比類推恩 二十八日再立到考試格其近降
試格更不施行今修立九條章表露布檄書以上用四
六頌歲誡諭序記以上依古今體亦許用四六考試官

臨時取四題分作兩場引試並限二百字以上箴銘限一百字以上成從之 二月六日詔宏詞科別差考試官二員候類省試畢日就試院引試 三月一日臣寮言本朝自景祐初至今凡六十餘年惟熙寧六年九年兩榜共百六十餘人係同學究出身乞比前後榜同甲人改為左列先朝雖以此兩榜未甲名為學究然其官名不分左右所以不礙諸般差遣今既分為左右雖欲應近日宏詞不可得也六十年間獨此兩榜偶然一時名為學究遂爾終身不為清列何相遠耶當元豐間不礙差遣猶之可也今既動有拘礙誠為未安詔熙寧六年九月第五甲人許應宏詞科 二十四日三省言試

兩

三

宏詞衡州司法參軍黃符滁州司法參軍羅疇開封縣
主簿高茂華真定府戶曹參軍趙鼎臣瀛州防禦推官
知鄂崇陽縣事慕容彥遠題曰歌器銘試論三省樞密

院修舉先朝政事通英閣無逸孝經圖後序代嗣高麗

國進貢表考入次等各循一資 三年三月三省言試

宏詞開封府開封縣主簿詳定軍馬司勅例刑定官林

虞宣德郎知嘉州峨眉縣劉奔昭慶軍節度推官知舒

州望江縣滕及題曰太史歲代宰相以下謝賜重修都

城記表紹聖元會頌談論士大夫教尚名節考入次等

各循一資 四年閏二月二十一日貢院言試宏詞新

授陳州項城縣令吳茲宣義郎周燾新授杭州餘杭縣

尉王孝迪瀛州防禦推官知潭州湘潭縣丞方叔震題

曰事洛通汴頌誠諭學者詞尚體要代宰臣謝實錄成

賜宴表籍田記考入次等各循一資同日別試所言

試宏詞澶州司理參軍吳行題曰北郊大禮慶成頌元

皇新修尚書省記俞安西西城訟違首節微誠諭辨對

臣僚言事要切考入次等各循一資元符元年四月

貢院言試宏詞宣州涇縣主簿邱廓江寧府右司理參

軍吉觀國辰州司理參軍王天倪題曰大河復東汎頌

三朝寶訓序代親王謝賜外第表司文殿記詔觀國為

河中府教授天倪為華州教授邱廓差遣闕二年三

月三省言試宏詞睦州司理參軍謝黼題曰代宰臣以

下賀老人星見表御書孝經及千字文勒祕閣黃碑陰
後序詔賜宗室坐右銘記分賜錢文紅管御筆銘考入
次等循一資 三年徽宗即位未改元三月三省言試
宏詞知河中府錄事參軍充兗州州學教授葛勝中題
曰瑞成殿芝草頌代高麗王謝賜太平御覽表重摹太
宗皇帝御飛白玉堂記諭清唐種落橄考入次等循一
資 徽宗建中靖國元年三月三省言試宏詞新信陽
軍司理參軍晁詠之勅賜進士出身程量新穎昌府戶
曹參軍孫宗鑑題曰皇帝辰事于郊卹頌代皇子謝賜
生日禮未誠諭守令勸課農桑宗子學記考入次等各
循一資 崇寧元年三月三省言試宏詞定州司法參

軍王雲勅同進士出身石忌前衛州司理參軍謝潛題

曰代軍臣重修神宗皇帝御集表玉盤銘誠百官修舉

職事重修秘閣記考入次等各循一資 二年三月貢

院言試宏詞儒林郎新耀州州學教授祝天輔登州防

禦推官知會州新會縣杜林題曰崇寧聖德頌重修都

亭碑記代軍臣賀慶雲見未占天萬年應序考入次等

各循一資 五年三月貢院言試宏詞前衛州司理參

軍孫近通仕郎新度州贛縣令王勣題曰崇寧繼述聖

政頌代貢士碑摩謝賜宴并御製詩表新建殿中者記

試諭諸路監司奉行詔令考入次等各循一資 大觀

三年三月貢院言試宏詞將仕郎保安軍司理參軍樊

察通仕郎越州餘姚縣尉李執登仕郎李子奇題曰誠

諭學事司理行教法詢考行能開封府賀徽至春大慶

殿文八寶頒新建書學記考入次等各循一資 四年

五月十六日詔紹聖之初嘗患士之學者不復留意文

詞故設宏詞科歲一試之然立格法未至詳盡不足以

致實學有文之士可改立詞學兼茂科每歲附貢士院

引試聽有出身人不以京朝官選人經禮部投狀就試

歲中有取不得過三人如無合格則闕之仍於舊試格

內除去微書增入制詔臨時取四題分作兩場內二篇

以歷代史故事借擬為題餘以本朝故事或時事其合

格人分兩等考定申三省看詳上等循兩資中等循一

資京朝官比類推恩仍並隨資任內外差遣已係堂除人優與陞權內文理超異者取旨除館職所有試格令禮部比擬立定申尚書省取旨頒降仍自大觀五年春試為首宰臣執政官親屬不許與試擬立到程試考校格式如紹聖二年正月宏詞之制政和元年二月二十三日三省言試詞學兼茂前柳州教授譚世勛儒林郎蔡經國通仕郎俞授能題曰雄武軍節度使開府儀同三司授倚中制夏禹九鼎銘代宰臣以下謝賜御製冬祀慶成詩表唐集賢殿書院記考世勛經國入上等詔詞學兼茂科尤宜加意獎進教育以資潤色王猷之美材今後可歲中所取不得過五人餘依舊制今來考

校中格人屬辭清勁文理典贍宜與陞等收錄以為詞
學該博者之勸可特依下項世勳與改合入官仍除館
職經國與改合入官仍堂除差遣授能與循兩資仍堂
除差遣 二年四月十二日貢院言試詞學兼茂文林
郎滕康盧益李熙靖奉議郎薛倉舒通仕郎曹輔題曰
保大軍節度使授檢校司徒保平軍節度使制漢六輔
渠記代宰臣以下賀野慈生要來漢宣德殿馬式銘考
康等五人合格奉御寶批試卷已經省覽文詞優裕考
按合格可依格推恩仍更量加甄擢以勸來者康為祕
書省正字益試辟廡博士熙靖試太學正蒼舒為大僕
寺丞輔充詳定勅令所刪定官 三年三月貢士舉院

言試詞學兼茂文林郎隆德府司兵曹事孫傳題曰資

政殿學士授奉寧軍節度使制充大章嶺新修六典序

唐修文館記考入合格循一資四年三月二十四日

貢士舉院言試詞學兼茂將仕郎孫觀通仕郎王志古

滕庚題曰鎮洮軍節度使除太尉制黃帝封泰山頌代

高麗王謝宴樂表唐學士院記考入次等各循一資詔

依格推恩外觀除祕書省正字志古充國朝會要所檢

閱文字庚充詳定九域圖志所編修官五年三月貢

院言試詞學兼茂科儒林郎胡文修將仕郎李木張志

題曰鎮海軍節度使檢校少保開府儀同三司授檢校

少傅如食邑食實封制漢祀雍獲一角獸頌代公相以

下謝賜御筆書夏祭神應記表唐洛陽宮記考入次等

各循一資 六年二月二十九日貢士舉院言試詞學

兼茂科宣義郎曹中宣教郎艾晟王謀題曰平川軍節

度使授開府儀同三司制漢函德殿金芝頌代公相以

下謝宣詔赴楊清殿賜宴表唐天徽宮記考中入上等

晟謀入次等詔餘依格推恩外中除祕書省正字晟除

寺監丞謀與書局差遣 七年三月十六日貢士舉院

言試詞學兼茂科迪功郎李正民薛嘉言文林郎宋惠

直題曰觀文殿學士中太一宮使授右衛趨漢隸麟閣

名臣圖記圖來徵猷閣奉安隆龕頌唐西海道行軍大

總管破吐谷渾露布考正民入上等嘉言惠直入中等

詔正民與改合入官除祕書省正字嘉言惠直合依格
循一資與書局差遣八年三月二十八日貢士舉院
言試詞學兼茂科迪功郎新河中府河東縣主簿崔嗣
道奉議郎前高郵軍軍學教授宇文彬從事郎前越州
會稽縣丞張守題曰觀文殿學士中太一宮使兼侍讀
授應道軍節度使上清寶錄宮使制漢神魚舞河頌代
雲南節度使大理國王謝賜歷日表忠文館記考嗣道
入上等彬守入次等依格循資推恩宣和元年三月
貢士舉院言試詞學兼茂科朝奉郎海州州學教授陸
韶之從事郎新冀州州學教授王俊迪功郎新泗州司
士曹事李長民題曰彰化軍節度使熙州路經畧安撫

使授檢校少保雄武軍節度使制漢三雍頌新修龍德
太一宮記唐大衍歷序考入次等詔依格與循兩資減
年外詔之除書局官王俊除博士李長民除宗學博士
三年三月貢士舉院言試詞學兼茂科從事郎前鄂
州州學教授范同通仕郎劉才邵從政郎歐陽瓌題曰
貢政殿大學士從舉上清寶錄官兼神霄玉清萬壽宮
副使兼侍讀授寶寧軍節度兼河東路經畧安撫使制
漢宣室咸代公相以下謝賜御製宣德樓上標文表唐
開元禮序考入次等各依格循資推恩三年四月二
十一日貢士舉院言試詞學兼茂科承議郎新詳定一
司勅令所刪定官李公彥題曰保和殿大學士從舉上

清竇錄官兼侍讀授威德軍節度使加食邑實封制漢
開科籍曰頌代夏國謝賜御制聖濟經表唐花萼相輝
樓記考入次等詔依格推恩外特除祕書省正字侯有
關差 四年三月三省言試詞學兼茂科文林郎建州
州學教授曾益柔題曰紙論百官遵守熙豐法度漢甘
肅降未央宮頌代軍臣謝賜御製賦同大成殿詩表唐
詳書四錄序考入次等依格循資 五年三月三省言
試詞學兼茂科建功郎前益州州學教授秦檜題曰代
宰臣以下頁曰有五色雲衣唐擒頌利寇布新修東都
志序漢楚龍淵記考入次等依格循資七月二十七日
守尚書職方員外郎陳璘奏紹聖初哲宗皇帝嘗患學

者專經不復留意文詞故設宏詞科來天下異能之士
大觀中以其所立格法未至詳盡改為詞學兼茂科然
設科既久來者浸少歲一試之有司取必以備數則不
無幸中而朝廷所以待遇亦輕矣今來既罷每歲春試
上舍欲乞應詞學兼茂科許於省試院附試從之 六
年三月貢院言試詞學兼茂科迪功郎何掄奉試郎表
植題曰資政殿學士特選授檢教少備鎮潼軍節度使
河北靈中府路經學安撫使加食邑合判判漢軍于朝
甘泉宮頌代燕山府路進士謝賜及第表大唐雅樂記
考掄入上等植入次等依格推恩以上續國朝會要
國朝會要無此門 光堯皇帝建炎二年七月禮部言

試詞學兼茂科朝奉郎袁正功題曰誠諭將士極心戰

守唐八坊記代宰臣以下謝宣召赴經筵應講表漢定

著三十五家兵法序考入次等循一資比類施行紹

興三年七月六日都司言工部侍郎李擢奏乞今紹聖

宏詞與大觀詞學兼茂兩科別立一科事看詳紹聖

法以宏詞為名大觀後以詞學兼茂為名今欲以博學

宏詞科為名以制誥詔書表露布檄箴銘記贊序一

十二件為題古今雜出六題分為三場每場一古一今

願試人先投所業三卷朝廷降付學士院考其能者召

試依宣和六年指揮以三年一次附省試院試不用從

臣薦舉應命官不以有無出身除歸明流外進納人及

渭清按空

白是通字

見宋史選

舉志

犯贓罪人外並許應詔命官非見任外官許徑赴禮部
自陳若見在任經所屬役所業應格召試然後雜任每
次所取不得過五人若人材有餘臨時取旨具合格等
第字號同直卷繳納中書省看詳內制詔書依例宰執
進呈推恩則例比舊制更加優異以三等取人試入上
等有出身人轉一官選人與改官無出身人賜進士及
第並免召試除館職中等有出身人減三年磨勘與堂
除差遣無出身人賜進士出身擇其尤召試館職下等
有出身人減二年磨勘與堂除差遣一次無出身人賜
同進士出身遇館職有闕亦許審察召試從之 五年
七月禮貢院言試博學宏詞科左選職郎新詳定一司

勅令所刪定官王璧左迪功郎明州州學教授石延慶
題曰觀文殿學士江南西路安撫大使授永興軍節度
使開府儀同三司都督川陝荆襄路軍馬事制漢宣室
歲御書無逸圖贊唐折衝府記統元歷序唐天下兵馬
大元帥先從末師露布考入下等各減二年磨勘 八
年六月一日禮部貢院言試博學宏詞科左迪功郎新
鄂州武昌縣尉詹叔義右迪功郎新平江府司法參軍
陳崑肖左迪功郎新饒州鄱陽縣東尉王大方題曰觀
文殿學士提舉醴泉觀兼侍讀授護國軍節度使開府
儀同三司江淮荆襄路軍換大使制漢輔渠銘慰諭川
陝詔漢城長安記代宰臣以下賀叔復京西路表唐會

要序叔義考入中等減三年磨勘與堂除差遣崇肖大
 方下等崇肖賜同進士出身大方減二年磨勘 十二
 年二月二十七日禮部貢院言試博學宏詞科右承務
 郎新提轄行在雜買務雜賣場洪遵勅賜同進士出身
 沈介右從政郎新浙西提舉茶監司幹辦公事洪适題
 曰皇叔慶遠軍承宣使授昭化軍節度使封安定郡王
 同知大宗正事判同成王薨岐陽頌代極密使謝賜玉
 帶表漢五家要說章句序免獻弓銘唐勤政務本樓記
 遵考入中等賜進士出身介适下等介減二年磨勘适
 賜同進士出身 十五年三月禮部貢院言試博學宏
 詞科右從政郎新建州政和縣令湯思退右朝奉郎太

府寺主簿王曦右承務郎新兩浙路轉運司幹公事洪
邁題曰少保鎮南軍節度使充兩浙東路安撫大使兼
知紹興軍府事授少傅鎮南靜江軍節度使充江南東
路安撫大使兼知建康府事兼營田大使行宮留守加
食邑食寔封制唐凝暉閻渾天儀記代守臣謝賜御書
周易尚書表漢麟趾裏疏贊明道籍四頌漢中和樂職
宣布詩序考入中下等賜進士身身同進士出身十
八年三月礼部貢院言試博學宏詞科左迪功郎新常
州武進縣尉周麟之左從政郎新婺州州學教授李南壽
題曰保信軍承宣使提舉萬壽觀授寧遠軍節度使充
萬壽觀使進封加食邑食寔封制黃帝景鍾銘兵部侍

即除寶文閣直學士樞密都承旨誥漢上林清臺歲紹

興新修大學記唐通典序並考入下等各減二年磨勘

二十一年四月九日禮部貢院言試博學宏詞科左

迪功郎監潭州南嶽廟莫冲左迪功郎臨安府錢塘縣

主簿葉謙亨題曰安遠軍節度使龍神衛四廂都指揮

使御前諸軍都統制授太尉殿前副都指揮使制漢石

渠議奏序代守臣進瑞麥芝草五色在圖表漢瑄玉銘

皇祐禁宸殿大安樂頌唐慶善宮記並考入下等各減

二年磨勘二十四年二月十二日禮部貢院言試博

學宏詞科左從事郎平江府錄事參軍莫濟左迪功郎

監潭州南嶽廟王端題曰昭明殿學士知洪州軍州事

江南西路安撫使校保寧軍節度使知福州軍州事福建
建路安撫使加食邑寔封制漢堂臺十二門詩序代中
臣賀慶雲瑞粟野蠶成蠶表漢寶鼎神策頌咸平龍圖
閣五經圖記漢芝草銘並考入下等各減二年磨勘與
堂除差遣一次 二十七年二月九日禮部貢院言試
博學宏詞科左迪功郎周必大題曰檢校少保寧國軍
節度使提舉祐神觀使授檢校少傅武昌軍節度使知
荆南府荆湖北路安撫使馬步軍都總管進封加食邑
制漢白虎議奏序代交趾進馴象表漢紫壇頌綉衣鹵
簿記漢廟鼎銘考入下等減二年磨勘 三十年二月
七日禮部貢院言試博學宏詞科左迪功郎衢州西安

縣主簿唐仲友

題曰捧日天武四廂都指揮使華容軍

承宣使充階成西和鳳州安撫使兼知成州授武泰軍

節度使侍衛親軍步軍都虞侯充京西路安撫使馬步

軍都總管兼營田使兼知襄陽府制少皞氏官名記代

提舉國史進哲宗皇帝徽宗皇帝寶訓表漢考工令箴

寶奎殿太宗皇帝御書贊唐文思博要序考入下等減

二年磨勘以上中興會要 壽皇聖帝隆興元年四月

十五日翰林學士承旨知制誥洪遵兵部侍郎周葵中

書舍人張震言昨知貢舉切見宏詞卷仁義張字號所

撰講武頌及露布等文字冠絕一場偶表制中有疵因

不敢開拆係左迪功郎前舒州懷寧縣尉陳自修學問

文詞委皆瞻拔望稍進以職詔吏部注近闕教官 五

月一日禮部貢院言試博學宏詞科右迪功郎新巖州

桐廬縣尉主管學士呂祖謙考入下等上所試文六篇

皇兄保大軍節度使檢校少保河陽三城節度使權主

奉吳王祭祀進封加食邑寔封制周師氏箴代提舉編

類聖政所進建炎紹興詔旨表漢輿地圖序太祖皇帝

開便殿頌晉征虜將軍征討大都督破符堅露布詔減

二年磨勘堂除差遣祖謙既中選賜同進士出身相繼

放進士榜又登上第故有是命乾道二年二月十三日

禮部貢院言試博學宏詞科右迪功郎新紹興府新昌

縣尉魯可宗考入下等上所試文六篇定江軍節度使

提舉祐神觀特授檢校少保崇信軍節度使知廬州軍
州事淮南西路安撫使馬步軍都總管兼營田使加食
邑寔封制舜韶簡頌代常德府謝賜府額表漢武功爵
記通英延義二閣記注序漢玉卮銘詔減二年磨勘堂
除差遣 五年二月六日詔考校博學宏詞如更有文
理優長許通取二名八年同此制四月九日禮部貢院
言試博學宏詞科左迪功郎新筠州州學教授姜觀左
從政郎新廣德軍軍學教授許蒼舒考入下等上所試
文各六篇題龍神衛四廂都指揮使武信軍承宣使利州
西路駐劄御前諸軍統制特授武當軍節度使捧日天
武四廂都指揮使主管殿前司公事進封加食邑寔封

制漢陸賈新語序代講讀官謝賜尚書正義表蜀諸葛

亮八陣圖贊武學箴唐義倉記

詔各減二年磨勘堂除

差遣

八年二月十日

禮部貢院言試博學宏詞科左

迪功郎新建昌軍軍學教授傅伯壽右迪功郎前臨安

府富陽縣主簿湯邦彦考八下等上所試文各六篇觀

文殿學士特進授少保醴泉觀使兼侍讀制唐涇陽受

回紇獻功頌代文武百官為先堯壽聖憲天體道太上

皇帝壽聖明憲大上皇后加上尊號冊寶禮成賀皇帝

表周太常銘天禧御製元良述贊南北軍屯記

詔伯壽

減二年磨勘堂除差遣邦彦賜同進士出身以上乾道

會要

文獻通考博學宏詞科

紹興三年立此科凡

十二題制誥詔表露布檄箴銘記贊頌序於內雜出六
題分為三場每場一古一今試人先投所業三卷朝廷
降付學士院考其能者召試遇科場年應命官除歸明
流外入賢及嘗犯贓人外公卿大夫子弟之俊秀者皆
得試每次所取不得過五人若人材有餘臨時取旨具
合格字號同真卷繳納中書看詳推恩則例比舊制更
加優異以三等取人上等轉一官選人改秩無出身人
賜進士及第並免召試除館職中等減三年磨勘與堂
除無出身人賜進士出身下等減二年磨勘無出身人
賜進士出身並許召試館職大觀中有詞學兼茂科建
炎初猶有應者至是始更立焉自復科以來所得鴻筆

麗藻之士多有至鄉相翰苑者紹興中得十有七人隆興至淳熙得十有三人紹熙一人開禧至嘉定三人初洪遵入中等洪适入下等高宗覽其文歎曰此洪皓子耶父在遠能自立忠義報也即以遵為祕書省正字适為樞密院編修官詞科即入館自遵始後三歲洪邁繼之真德秀留元剛應選有司書德秀卷曰宏而不博書元剛卷曰博而不宏寧宗喜其文命俱實異等其後有司值郡試必摘其微疵僅從中省或降旨陞擢而已容齋洪氏隨筆曰本朝宏詞雖用唐時科目而所試文則非也自乙卯至于紹熙癸丑二十榜或三人或二人或一人并之三十三人而紹熙庚戌闕不取其以任子

進者湯岐公至宰相王日嚴至翰林承李獻之學世陳
子象兵部侍湯朝美右史陳峴方進用而予兄弟居其
間文惠公至宰相文安公至執政予冒處翰苑此外皆
係已登科人然擢用者唯周益公至宰相周茂振執政
沈德和莫子齊倪正父莫仲謙趙大本傅景仁至侍從
葉伯益季元衡至左右史餘多碌碌而見存未顯者陳
宗召也然則吾家所蒙亦云過矣 葉適論宏詞曰法
或生于相激宏詞之廢久矣紹聖初既盡罷詞賦而悲
天下應用之文由此遂絕始立博學宏詞科其後又為
詞學兼茂其為法尤不切事寔何者朝廷詔誥典冊之
文當使簡直宏大敷暢義理以風曉天下典謨訓誥諸

書是也孔子錄為經常之詞以教後世而百王不能易
可謂重矣至兩漢詔制詞意短陋不復髣髴其萬一蓋
當時之人所貴者武功所重者經術而文辭者雖其士
人諱然自相矜尚而朝廷忽畧之大要去刀筆吏之所
能無幾也然其深厚溫雅猶稱雄于後世而自漢以來
莫有能及者若乃四六對偶銘檄贊頌循公漢末以及
宋齊此真兩漢刀筆吏能之而不作者而今世謂之奇
文絕技以此取天下士而用之于朝廷何哉自詞科之
興其最貴者四六之文然其文最為陋而無用士大夫
以對偶親切用事精的相誇至有以一聯之工而遂擅
終身之官爵者此風熾而不可遏七八十年矣前後居

卿相顯人祖父子孫相望于要地者率詞科之人也其人未嘗知義其學未嘗知方也其才未嘗中器也操紙援筆以為比偶之詞又未嘗取成于心而本其源流于古人也是何所取而以卿相顯人待之相承而不能革哉且又有甚悖戾者自熙寧之以經術造士也固患天下習為詞賦之浮華而不適于定用凡王安石之與神宗往反極論至於盡擯斥一時之文人其意曉然矣紹聖崇寧號為追述熙寧既禁其求仕者不為詞賦而反以美官誘其已任者使為宏詞是始以經義開迪之而終以文詞蔽淫之也士何所折衷故既以為宏詞則其人已自絕于道德性命之本統而以為天下之所能者

盡于區區之曲藝則其患又不特舉朝廷之高爵厚祿
輕以與之而已也反使人才陷入于不肖而不可救且
昔以罷詞賦而置詞科今詞賦經義並行久矣而詞科
迄未嘗有所更易是何創法于始而不能考其終使不
自為背馳也蓋進士制科其法猶有可議而損益之者
至宏詞則直罷之而已矣四朝聞見錄嘉定間未嘗
詔罷詞學有司望風承意太過每遇郡試必摘其微疵
僅從申省予載之詳矣水心先生著為進卷外藁其論
宏詞曰宏詞之與其最貴者四六之文然其文最為陋
而無用士大夫以對偶親切用事精的相夸至有一聯
之工而遂擅終身之官爵者此風熾而不可遏七八十

年矣前後居鄉相顯人祖父子孫相望於要地者半詞
 科之人也既已為詞科則其人已自絕於道德性命之
 本統以為天下之所能者盡於區區之曲藝則其志又
 不止於舉朝廷高爵厚祿輒以予之而已蓋進士等科
 其法固有可議而橫益之至宏詞則直罷之而已矣先
 生外臺蓋草於淳熙自始蘇入都之時是書流傳則盛
 於嘉定間雖先生本無意於嫉視詞科亦異於望風承
 意者然適值其時若有所為文忠真公亦素不喜先生
 之文蓋得於里人張彥清之說以為先生之文失之支
 離文忠得先生習學記言觀之謂此非記言乃放言也
 豈有激歎水心先生之文精詣處有韓柳所不及可謂

集本朝文之大成者矣文忠四六近世所未見如史相
服閣加官制詞云素冠纓纓方畢三年之制赤舄几几
爰新百揆之詹又謂史相云陳平之督有餘蕭相之功
第一戒詞云天難諶斯當無忘惟幾惟康之戒民亦勞
止其共首既富既庶之功撫諭江西寇曲赦詔其中一
二聯云自有乾坤至於今日未聞盜賊可以全軀又曰
弄潢池之兵諒非爾志楚昆岡之王亦豈予心又行永
陽郡王制詞云若時懿屬可限彝章其登公朝位棘之
尊仍疏王社苴茅之貴蓋文忠公既入剡廣堂謂二恩
恐不可得而兼故致微詞云宋史選舉志理宗嘉熙
三年臣僚奏詞科實代王言久不取人日就廢弛蓋試

之太嚴故習之者少今欲除博學宏詞科從舊三歲一
試外更降等立科止試文辭不肯記問命題止分兩場
引試須有出身人就禮部投狀獻所業如試教官例每
一歲附銓闈引試惟取合格不必拘額中選者與堂除
教授已係教官資序及京官不願就教授者京官減磨
勳選人循一資他時北門西掖南宮舍人之任則擇文
墨超卓者用之其科目則去宏博二字止稱詞學科從
之淳祐初罷景定二年復嘉熙之制初內外學官多
朝兵特注後稍令國子監取其舊詆藝等格優者用之
熙寧八年始立教授試法即舍人院召試大義五道元
豐七年令諸州無教官則長吏選在任官上其名而監

學審其可者使兼之元祐中罷試法已而論薦益衆及
詔頒命舉乃得奏紹聖初三者立格中判科及進士甲
第禮部奏名在上三人府監廣文館第一人從太學上
舍得第皆不待試餘各試兩經大義各一道合格則授
教官元符中增試三經政和二年臣僚言元豐各試學
官六十人而所取四人皆知名之士故學者厭服近試
率三人取一今欲十人始取一人以重其選從之自是
或如舊法中書選注又嘗負外添置八行應格人為大
藩教官不以在職隨廢或用元豐試法更革無常高宗
初年後教官試紹興中議者謂欲為人師而自獻以求
進非禮也乃罷試而自朝廷選差已而又復之凡有出

身者許應先具經義詩賦各三首赴禮部乃下省闈分
兩場試之初任為諸州教官由是為兩學之選十五年
從國子監丞文浩所言於六經中取二經各出兩題毋
拘義式以貫穿該聽為合格其後四川制置司通類省
試年亦倣禮部試自嘉泰元年始

全唐文

宋綉會要

淳熙二年二月十八日禮部貢院言試博學宏詞科承

務郎監行至左藏庫中門李嶽修職郎荆門軍錄事參

軍趙彥中合格所試六篇題檢校少傅監軍節度使四

府事特授奉國軍節度使開府儀同三司判建康軍府

帝苑序代軍臣修進四朝國史列傳表唐詔嶽賜同進

士出身彥中減二年磨勘比類施行與堂除差遣一次

又詔彥中係宗室試中宏詞特循文林郎五年二月

十日禮部貢院言試博學宏詞科從政郎監建康府戶

部瞻軍東酒庫周洎從事郎筠州軍事判官倪思合格

所試六篇

武康軍節度使左金吾衛上將軍特授少保

江府駐劄御前諸部統制

知揚州軍州事充淮南東

法記御製歌天園簡漢十八家

詔洎思各減

二年磨勘比類施行與堂除差遣一次

八年二月十

日禮部貢院言試博學宏詞科從政郎滁州學教授

莫叔光合格所試六篇

寧江軍承宣使侍衛步軍副都

步軍都指揮使如食邑

封制漢元公候籍序代宰臣

進修仁宗皇帝

神宗皇帝玉牒表尚侍賢虞

銘天禧太宗

清樓觀書宗皇帝

先取到二名內一名第六篇

萬限三十一

百字以上雜化不考今止

考校到一名三十一

承李拱合格所試六篇

武安軍節度使右金吾衛上將

禮部貢院言試博學宏詞科從政郎臨安府臨安縣

軍制漢大初官名記代文官進資治通鑑長編并舉要
表漢編刻四十八篇紀皇祐明堂樂舞頌唐車輿衣服
今詔拱減二年磨勘添差堂除差遣一次今次考校博
存宏詞令取二名既而禮部貢院言本院今次考校博
學宏詞令取二名今考校止有一名合格更合取自朝廷
指一揮名止十四年二月二十日禮部言院言試博學宏
詞科從事郎陳峴合格所試六篇題曰時投大夫知樞密院事
使加食邑實封制漢少壽官記代車臣以下皇帝會要禮
宗望帝英宗皇帝玉璫四朝文列傳今上皇帝會要禮
成表周司會監新製鐵箴詔峴賜同進士出身日年臣
錫唐武德正觀兩文序詔峴賜同進士出身日年臣
王淮等奏今春試宏詞者二人餘人取到陳峴昨已錄
奏上曰何政只取一名准等奏貢院中明合格者不此
一卷上曰峴文字好可謂合格鐵箴題紹熙四年二
日甚新峴為名亦好以上考宗會要題紹熙四年二

日禮部貢院言試博學宏詞科宣教郎新知池州貴池

題曰

題曰

縣陳宗召合格所試六篇觀文殿學士提舉臨安府洞

儀同三司判給興軍府充兩浙東路安撫使加食邑

封制法建武封功臣記代提舉寶錄院進高宗皇帝御

其表漢魏平銘景德龍閣詔宗召減二年磨勘比類

中府圖書治要序施行與堂除差遣一次以上光宗會要慶元四年三月十一日

兵部尚書劉德秀權工部尚書錢象祖吏部侍郎謝源

明吏部侍郎黃由中書舍人高文虎權刑部侍郎張孝

伯宗正少卿兼權中書舍人范仲藝言伏觀承直郎主

管戶部架閣文字陳晦學問該通議論平正性資溫醇

而不事表祿文辭典雅而不為奇怪紹熙庚戌試博學

宏詞科記問文采迥出流輩主司考校入等即以合格

試卷繳申尚書省進呈不謂時相徂於私意摘晦所試

周五射記周襄尺字以為犯濮王懿王諱遂厄其事未
與推恩元亦不曾報罷臣等竊攷令甲濮王之諱與廟
諱及御名不同上辟正字從言從裏不諱嫌名今既單
用裏字初不從言雖曰同音即是嫌名自不應避正如
哲宗舊諱從人從庸秀安僖王諱從人從再若止單用
庸字用再字蓋亦未嘗避也况近來兩舉詞科皆不曾
取人今既取中入等合格式卷又指其微類而終棄也
實為闕典伏望賜之甄擢或真之文字之職必有可觀
又言陳晦宏詞試卷昨來貢院已係考中合格所有試
卷內引用裏尺事攷官批鑿甚明亦已奏明緣同試之
人私意忌嫉妄有陳訴以濮郎諱為御諱是致久未予

卷之三十一

決令來照得濮邸諱不當作御諱亦不避嫌名指揮內
只合書不成字見得妄訴分曉於是詔陳晦與下等推
恩賜同進士出身先是晦於紹興元年試博學宏詞科
試文六篇皇叔祖太尉定江軍節度使提舉萬壽觀特
授武昌軍節度使開府儀同三司充醴泉觀使制周五
射記代安南國王謝加恩并賜對衣金帶鞍轡表魯鼓
銘紹熙孟春皇帝朝獻景靈宮禮泉頌晉摯虞文章流
別集序禮部貢院己申合格未曾推恩至是德秀等言
故有是命 開禧元年正月二十九日詔從事郎南劍
州軍事判官真德秀咸二年磨勘與堂除差遣一次承
事郎兼福州海口鎮稅監倉兼烟火公事留元剛特賜

同進士出身以試中博學宏詞故有是命 嘉定七年
三月十五日刑部尚書曾從龍禮部侍郎范之柔左諫
議大夫鄭光昭先刑部侍郎劉燾言竊見宏博一科所以
為異日詞臣之儲其選蓋其遠也累舉以來所取僅一
二人而止至或闕馬人材之難如此今歲以是科進者
二十有四人而其間詞采精純記問該貫者一人馬偶
以援引差訛不中程度臣等深惜其才及啟卷而視之
則從事郎新國子監書庫官徐鳳其人也歲在辛未有
司嘗以鳳程文可採擬為詞科之次今茲所撰六篇視
前作尤勝可見其修學之功月異而歲不同也臣等竊
謂取人以格法者有司之事至於朝廷擢用則不以常

格拘伏乞特與鳳陞擢差遣或令中書省籍記姓名以備他日翰墨之選是以激勵人才之一端也又聞鳳登科之日有祖母在鳳兩任獄祠以便侍養及祖母服闋之後方始出任鄉評莫不稱其孝以鳳之詞學優長而行義又足以副之儻蒙擢用誠惟士論從之先是禮部貢院言今來省試內有博宏附試二十四人已行考校內有一號制表文詞溫純體制典雅頌記贊序尤為工緻本末該貫考究詳詳可謂詞學兼全傑出眾作但序中引周禮蒼人巫咸事按本處注巫字當為筮即非殷之所謂巫咸然是旁證即非本處有差大體純粹一誤可畧未敢擅行取放不報故開院日知舉有此請

以上等
家會要

明經科

太祖建隆四年八月十三日詔曰一經皓首十上于
名乃前史之明文見昔賢之苦節自今禮部貢院所試
九經舉人落第者宜依諸科舉人例許令再應文獻通
考馬端臨曰案自唐以來所謂明經者不過帖書墨義
而已愚常見東陽麻澤呂氏家塾有刊本呂許公夷簡

應本州鄉舉試卷因知墨義之式蓋十餘條有云作者
七人矣請以七人之名對則對云七人某某也謹對有
云見有禮於其君者如孝子之養父母也請以下文對
則對云下文曰見無禮於其君者如鷹鷂之逐鳥雀也
謹對有云請以註疏對者則對註疏曰云云謹對有不
能記憶者則只云對未審蓋既集其挾書則思索不獲
者不容臆說故也其上則具考官批鑿如所對善則批
一通字所對誤及未審者則批一不字大槩如兒童挑
誦之狀故自唐以來賤其科所未不通者殿舉之罰特
重而一舉不第者不可再應蓋以其區區記問猶不適
悉則無所取材故也藝祖許令再應待士之意亦厚矣

開寶六年四月二十四日詔禮部貢院先有開元禮
科自今宜改作鄉貢通理逐平考試之時用新出本墨
義 七年二月十四日詔曰學古入官歷代垂訓將期
進用必藉該通其毛詩尚書周易三經學究自今宜併
為一科及第後依三禮三傳選數資序入官 太宗太
平興國三年三月十七日詔禮部貢院自去年十月已
前諸科貢舉人除三禮學究等三科外餘並聽於貢院
投牒次以八月朔俱至都下俟引試 四年十一月十
日詔曰禁民為非者莫大於法陳力就列者當習其書
苟金科玉律之不明雖食藜飲水而何益宜申沿革式
著典義自今禮部應進士九經五經三史通禮三傳引

試日宜於律及律疏中間義三五條或執卷發其端令
面對一兩事先是學究通習三經之業恐難精至今分
為三科令各習一經仍通習明法所習律令等書并準
格以考試 雍熙三年四月二日詔曰夫經術者王化
之本也故設科取士要在得宜明經入用期於專業向
者以毛詩周易尚書三經各為一科顧其大小不相倫
等况復序選之致豈容學藝之不侔今後以周易尚書
各為一科而附以論語爾雅孝經三小經毛詩卷帙差
大可令專習法家之書最切於時廢之已久甚無謂也
可復置明法一科亦附三小經進士九經已下更不習
法書庶使為學之精專用功之均一 淳化四年十二

月十四日詔曰國家設取士之科廣得人之路各懋專
門之業用為選士之資至若三史之書尤為奧博括九
流而兼脩與六籍以並行通禮諸科近在刪定酌百王
之損益別五禮之等差如其執卷之流罕著絕編之効
宜更條制以勸精專舊條三史通禮各試三十場今特
減其半餘一十五場每場令知貢舉官抽取三卷發其
端俾之習讀能曉大義及識奇字者並為合格 真宗
景德二年十二月五日詔禮部貢院自今周易尚書學
究試本經日各問經注四道疏義六道以為定式明法
比來六場自今依學究例七場第一第二場試律第三
場試令第四第五場試小經第六場試令第七場試律

仍雜問疏義五道律文五道三禮三傳自今每過十道
義中間經注六道疏義四道為合格先是貢院有請下
其奏令翰林侍讀學士邢昂等議詔昂更與學官等同
議可否初昂請令尚書周易學究并明法各雜問疏義
五道經比二科經舊籍不多宜問疏義二道經注四道
通六為合格餘乞依昂奏故有是詔 大中祥符四年
十二月初三日詔曰眷彼設科存乎舊制惟禮經之經
奧暨傳學之文繁念其研習之勤特蠲條對之數冀申
獎勸式廣搜羅自今試三禮三傳宜各特與減一場仍
以五道為格 八年正月十七日詔禮部貢院所試諸
科舉人有六道已上而卷中點污粘綴若涉記驗者未

得駁放次場令主司當廳考試以辨真偽時貢院言有
雜犯者並已駁放故也 二月五日詔曰經術之人科

舉定試每俟復其等第方將拔其藝能俯念專勤特從
簡便貢院諸科舊人宜至復場後引試即行考較其舊
經御試者送終場引試考較 仁宗天聖三年三月一

日詔貢院所試諸科例只於經義內考較如對策純繆
及對答不得者並特免退落 先是上封者言經學不究
經旨乞於本科問策一道至是對者多無所取帝以執
經肄業不善為文特令取其所長以廣仕路 九月十

六日詔貢院將來考試諸科舉人有明習經義長於講
說及三經以上者許經主司自陳量加試問委是可取

即具名閱當議別遣官試驗特與甄擢 十一月國子

監言諸科舉人唯明法一科律文及疏未有印本是致

難得真本習讀欲望差官校定雕版施行從之 八年

六月二十六日上封者言禮部考試尚書周易學究緣

此本是兩科先朝以其習書少遂併一科然後舉人至

今猶多偏習一經蓋以每場各於兩經內問經注五道

每對只記得一經以荅五道頗為僥倖欲望自今依禮

傳例每經分場各試責令後學之人並經精二經書疏又

明法一科文字亦少易為習讀昨登第人數至多欲望

添習一經或添至七經通為合格詔兩制詳定既而請

令尚書周易二經分場各試其明法所習文字比兩科

學卷數稍請更不別添經書止添義七通為合格奏可

八月十二日資政殿學士晏殊言唐有經明舉人並

武策問蓋欲驗其所業本經大義以參度性識然後入

官政令諸科舉人既無策問但能記誦不經師授非所

以求人任官之意乞自今經終場試後量問策一道以

合舊規詔內外制官詳定以聞後不果上議景祐元

年二月十一日詔諸科舉人實應七舉者不恨幾年別

作一項奏名未得退落 慶曆四年六月二十六日詳

定貢舉條貫所言舊制應諸科舉人對義如使字不合

元出經義及將同音三兩字連寫對所問字格字舉字裕

錄三字之下每一道內但犯二字已上並通降為粗字粗

降為否今據考所考到諸科人第一場卷子每道多有
誤寫同音及聲韻相近字並依前條遞降通粗似此退
落至多今乞將所問義每二字內如用一字不合元出
經義並依前條降通粗悉詳舊條若每對義一道內犯
二字一道內犯五字已上遞降通粗於理太峻續降條
貫每問二字內用一字不合元出經義始依前條即是
百字之內誤用五十字方始遞降粗否於理大寬無以
懲汰繆濫欲應經學對義使不合元出經義將同音字
對者每義一道以百字為率內犯十字者並通降為粗
粗降為否仍隨義多少準此以定分数從之 皇祐五
年閏七月二十日詔諸科舉人自今後終場問大義十

道每道舉科首一兩句為問能以本經注疏對而加以
文輝潤色發明之者為上或不指明義理但引注疏備
者次之並為通明若引注疏及六分者為粗其不識本
義或連引他經而文意乖戾章句斷絕者為否並以四
通為格合九經五經止問大義而不須注文全備其九
經場數並減二場仍不問兼經 嘉祐三年七月二十
九日詔應明經舉者內三禮三傳科兼經中小二經以
上國朝會要 神宗熙寧四年二月一日中書門下言
明經科欲行廢罷并諸科額內元解明經人數添解進
士及更俟一次科場不許新應人投下文字漸令改習
進士仍於京陝東西河東河北京西五路先置學官使

之教導其南省所添進士奏名仍且令別作一項止取
京東等五路應進士并府監諸路應諸科改應進士充
所貴合格者多可以誘進諸科嚮習進士科業從之
八月八日知德州閻克國言乞許舊讀春秋舉人且於
三傳中治一經為業者詳諸路舊應三傳明經人如不
願改科應進士舉者欲令依舊應本科仍依明經舊條
考校如合格即於諸科額內解送將來科場非曾應三
傳明經人不得輒應此科從之文獻通考熙寧八年頒
王安石詩書周禮義于學官謂之三經新義先是王
安石奏學官試文且言黎侏張諤文勝而違經旨帝曰
今誤經者人人殊何以一道德卿有所著其以頒行使

學者歸一安石曰已令陸佃沈孝長訓釋詩義矣帝曰
佃輩信能發明真旨乎安石曰雖命之訓而臣實商度
也舊制開封府發解三百餘額國子監額不及其半至
是合試而通取之

哲宗元祐六年四月六日詔復置
通禮科其解額分數及考格式等令禮部立法以聞仍
令太常寺將開寶通禮重行校定送國子監頒行其後
紹聖元年四月二十五日詔罷五路經律通禮科其額
撥入進士正額

以上續國朝會要中興乾道會要無此

八行科 徽宗大觀元

年三月十八日詔曰學以風俗明人倫今有教養之法而未有善俗明倫之制蓋設學校置師儒所以敦孝悌朕考成周之隆教萬民而賓興以德六六行否則威之以不孝不悌之行刑比已立法保任孝悌嫻睦任恤忠和之士去古綿邈士非里選習尚科舉不孝不悌有時而容故仕官臨政趨利犯義詆訕貪污無不為者此官非其人士不素養故也近因餘暇稽周官之書制為法度

頌之學校明倫善俗庶幾於古諸士有善父母為孝善
兄弟為悌善內親為睦善外親為姻信於朋友為任仁
於州里為恤知君臣之義為忠達義利之分為和士有
孝悌睦姻任恤忠和八行見於事狀著於鄉里者鄰保
伍以行實申縣縣令佐審察延入縣學考驗不虛保明
中州孝悌忠和為上睦姻為中任恤為下保明如令不
以時隨表貢入太學免試為太學上舍司成以下引問
考驗較定不誣申尚書省取旨釋褐命官優加拔用士
有全備上四行或不全一行而兼中等二行為州學上
舍上等之選不全上二行而兼中等一行或不全上三
行而兼中二行者為上舍中等之選不全上三行而兼

中一行或兼下一行者為上舍下等之選全有中二行
或中等一行而兼下一行者為內舍之選餘為外舍之
選中三舍之選者上舍貢入內舍在州學半年不犯第
二等罰陞為上舍外舍一年不犯第三等罰陞內舍彼
貢入太學者上等在學半年不犯第三等罰司成以下
考驗行實聞奏依太學貢士釋褐法取旨推恩中等依
太學上等法待殿試推恩下等依太學中等法上舍上
等其家依官戶法中下等免戶下支移折變借身丁內
舍免支移身丁 八月十七日資政殿學士中太一宮
使兼侍讀鄭居申劄子奏近蒙聖慈賜臣御筆八行八
刑書欲望以所賜模寫于石立之學宮次及太學辟廡

天下郡邑如石經比從之 十二月一日提舉福建路
學事陳汝錫奏乞今後諸路不限在外在學惟其人則
舉之上批凡八行八刑之士所在皆得以名聞法無在
學不在學之限可令學制局申明行下文獻通考自元
祐做古創立經明行修科主德行而畧藝文間取禮部
試默之士附寘恩科其時御史既已咎其無所甄別矣
及八行科立專以五行全編為三舍高下不問內外皆
不試而補則徃徃設為形迹以求入于八行固已可厭
至於請託徇私尤難防禁大抵兩科相望幾數十年迄
無一人卓然能自著與名格相應者而八行又有甚與
士子斷絕公私交惠苦之不能誰何乃借八行名稱納

之學技使其冀望無罰應貢則稍且自戢而長史實恐
縲繫役坐故寧使之占額不貢以是知畧實藝而追古
制其難蓋如此也 三年二月十六日提舉黔南路學

事戴安仁狀契勸所管多缺新創州郡新民其間亦有

孝悌睦婣任恤忠和之性蓋為生於僻陋之邦習俗鄙
夷不知禮儀方今朝廷廣設學校雖遐方僻邑皆置師
儒教導必有其人今欲曉諭鄉村團落間有孝悌睦婣
任恤忠和者次第保舉一二人量與推賞以激勸風俗
從之 四年正月一日臣寮言陛下躬御翰墨裁成典
訓俾得以八行保任非特考其藝能而已所以優待行
已修潔學術已成之人可謂至矣待之既已如此之至

則責之不可以不嚴切聞近來諸路以八行貢者多或
違詔旨失法意而有司不以為非臣恐由此浸以成弊
今畧取其一二事狀著明者論之如親病割股或對佛
燃頂或刺臂出血寫青詞以禱或不茹葷常謂佛書以
此謂之孝或嘗救其兄之溺或與其弟同居十餘年以
此謂之悌其女適人貧不能自給取而養之於家為善
內親又以壻窮窶收而教之為善外親此則人之常情
仍以一事分為睦婣二行嘗一遇歉歲率豪民以粥食
饑者而謂之恤夫饕饻者乃豪民共為之而已獨謂之
恤可乎又有嘗收養一遺棄小兒者嘗救一跛者之溺
皆以為恤如此之類不可遽陳今所保任多不言學術

意皆其鄉曲尋常之人非所謂士者願下之太學俾長
成博士考以道義別白是非澄去冒濫勿使妄進務在
不失法意而已詔太學辟龐長貳等并諸路學事同考
以道藝別白是非澄去冒濫 政和三年十一月二十
日江南西路提舉學事司言士州助教孫德臣有孝悌
睦三行吉水縣筠州上高縣主簿曾緘孝行顯著及本
人有睦嫻任恤四行事迹朝廷敦勸八行以厚風俗而
未許舉八行明文恐未盡搜賢士之意詔許令奏舉
四年九月二十三日臣寮上言陛下制為八行之後傳
豪傑異能之士自崇觀迄今海内蒙化比雖民庶田野
之間有節義顯白如詩書之所稱者朝廷旌賞四方萬

里之民有不獲知宜令有司哀聚頒降中外從之 五
年六月十八日臣寮言昨者江南東路提舉學事司言
前統州知通教授縣令佐審察八行貢士萬宗孟補
上舍陞入太學本學考驗別無顯跡已行退黜宗孟近
因赴試到闕復肆論訟朝廷灼見狂妄謂宗孟全無士
行尋被旨先次駁放依屏斥法而本路當職官認舉之
罪迄今尚稽典憲詔提舉學事官降一官教授銜替係
公罪事稍重知通令佐罰逾十斤 六年二月七日權
發遣陝州吳羽奏乞今後每歲終令有司類聚八行已
推恩人各著事實雕印頒之郡縣庶薄海內外咸知陛
下德意之美從之以上續國會要 國朝中興乾道會

宋會要

童子科

紫童子考試原分童子科童子試
賜童子出身各目為類今亦仍之

嘉定五年正月二十三日臣僚言竊見進士一科試以
三場限以三載間有舉子多而員額窄者每數百人取
一人為選如此其艱童子一科近年應舉者源源不絕
此皆明作人小子有造之效然有恩數太濫之弊照得

童子能九經者免一解兼講說書免兩解今之所講說者不過父兄以講義與之誦念實未嘗通曉義理以背念九經方免一解背念一經講義亦免一解是以講說免者不其大僥幸乎乞今後通念九經及講說者只於免一解之外特賜束帛以示優異從之 四月十一日
臣僚言女童子吳志端令中書覆試竊謂童子設科所以旌穎異儲器業也本朝名公鉅儒如楊億晏殊之倫載在史冊後世歆慕今志端乃以女子應此科縱使盡合程度不知他日將安所用况艷粧怪服遍見朝士所至聚觀無不駭愕嘗考禮記女子之職惟麻象絲繭織粧祖制是務又曰女子出門必擁蔽其面志端既號習

續而昧此理奔走納謁略無愧作其執以為詞者不過
淳熙間有林幼玉一人以九歲中選今志端但知選就
傍附八歲申乞不思身已長大十目所視其可欺乎儻
或放行覆試必須引至都堂觀聽非便乞收還指揮庶
幾崇禮化厚風俗若以其經國子監挑試則量賜束帛
以示優異從之 十四年十一月四日臣僚言童子設
科蓋幼而業精或中是選人以為榮已亦無作咸平中
有重軻六歲召入誦易精通覆使賦詩援筆而就遂獎
錄之元祐中有朱天錫九歲亦召入取諸經試之隨問
即誦不遺一字嘉其天稟賜書以歸是二人者始可以
言神童邇來應是科者或年至十二三甚而十四五俱

冒稱十歲以下方居髻鬣而已示之以誑異時見諸事
業欲其著誠去偽亦難矣矧自已卯訖辛巳僅踰二載
而取中者已四十有六冒濫若此顧足以為貴乎政和
二年童子陳乞誦書有詔並不試驗時以其數滋多故
也紹興三年輔臣進呈誦書習射童子求試於有司者
凡九人高宗皇帝嘗有聖語上有所好下必有甚焉蓋
錄昨嘗推恩一二童子故求試者雲集此雖善事然可
以知人主好惡不可不審各賜束帛令歸本貫大哉言
乎今之童子固未欲遽尼其來當思有以嚴其選每歲
取放人數毋俾太濫合行斟酌立為定額自本縣試驗
保明申州或其人能誦而齒似長亦必黜而不陞以至

冒監後省試亦如之考察既詳偽冒斯革欲望亟賜施行庶於此科作成有用都省照得童子設科從來未嘗立定試期并取放名額比年以來多有暗減歲數州縣復不審覈寔成冒濫臣僚有此奏請合詣指揮詔自今後童子舉每歲以三人為額仍令禮部行下諸路州軍須管精加覈實年甲挑試結罪保明申禮部國子監定以三月初七日類聚挑試將試中合格人具申朝廷用三月十七日起中書後省覆試